



Rimnada sistemica da dretg communal dalla vischnaunca da Sagogn

Nummera 240.01.01

Tetel Uorden da susteniment da formaziun

Ediziun Ediziun dils 25.08.2013

Valeivel 30.08.2013

Remarcas preliminaras

Ord motivs da simplificaziun serefereschon indicaziuns da persunas, funcziuns e mistregns en questa publicaziun uffiziala mintgamai sin omisduas schlatteinas, expriu ch'ei vegn menziunau explicit zatgei auter.

Davosa correctura informala 10.03.2024 tras Thomas Candrian

Cuntegn

I. Intent	3
II. Contribuziun	3
III. Determinaziuns finalas	4

I. Intent

Intent

Art. 1

¹ Quei uorden reglescha las contribuziuns per formaziun generala per carschi (“Erwachsenenfortbildung”) dalla vischnaunca da Sagogn. ¹

² La contribuziun finanziaria duei gidar e sustener uniuns, privats e fatschentas da promover la formaziun dalla populaziun el vitg.

II. Contribuziun

Dretg da contribuziun

Art. 2

¹ Suandontas cundiziuns ston cumulativamein esser ademplitas per ch'ina damonda da susteniment sa vegnir tractada:

- a) Il petent sto esser sesents en vischnaunca.
- b) L'occurenza ha liug a Sagogn.
- c) L'occurenza sedrezza principalmein enviers carschi.
- d) L'occurenza ei publica.
- e) L'occurenza sto curclar in interess public.

En cass specials sa la suprastonza era sustener occurenzas ch'ademplieschan buc diltuttatg las cundiziuns (p. ex. sche l'infrastructura manca el vitg)

Summa

Art. 3

¹ La contribuziun munta per ordinari a frs. 100 – 500 per occurenza.

² La contribuziun maximala munta a frs. 1500.00 per onn e per petent ni per la medema specia d'occasiun.

³ Per occurenzas cun intent da far gudogn vegn per ordinari surpriu sulettamein ina garanzia da deficit.

¹ *Cudischaziun sin conto 240.300*

Restricziuns

Art. 4

¹ La damonda da susteniment ei d'inoltrar sil formular corrispudent e duei ver aschuntau in cedel da pagament ni la numera da conto dil petent.

² Las damondas vegnan tractandadas en retscha dalla retschevida. Ei il budget duvraus si per in onn sche san negins sustegns vegni concedi pli.

III. Determinaziuns finalas

Vigur

Art. 5

¹ Quei uorden ei vegnius relaschau dalla suprastonza communal il 30.08.2013 e va en vigur instantamein.

Ediu tras			
Acceptau tras	suprastonza	ils	30.08.2013
Controllau tras			
Publicaziun officiala dalla vischnaunca da Sagogn.			